



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geistliche Hauß-Bibliothec

Trostreiches vnd anmütiges Bett- vnd Zusprech-Büchlein/ Darinnen vil
Geistreiche vnd andächtige Gebett ... verzeichnet seynd

Lohner, Tobias

München, 1684

§. 13. Gebett vmb gewisse Gnad.

urn:nbn:de:hbz:466:1-45004

cken der Ketzer/ du Grundfest des wahren Glaubens: ich grüße vnd benedeye dich/ vnd mit grossem Vertrauen fliehe ich zu dir/ vnd bitte dich durch die Lieb/ so du zu Christo getragen/ vnd durch den innbrünstigen Eifer/ der allzeit in deinem Herzen gebrunnen/ die verlohrene Seelen welche Christus mit seinem Blut erkauft/ wider zu recht zu bringen/ vnd dem höllischen Dieb ab zujagen/das du mich in diser meiner Noth erhören/ vnd nicht vngetröst von dir lassen wollest. Ich weiß/ daß dir dises leichtlich möglich ist/ weil dir Christus wegen deiner grossen Verdiensten kein Bitt abschlagen kan: derowegen befehle ich dir dises/ so ich verlohren hab/ vnd übergibe es in deine treue Verwahrung/ vnd bitte demüthiglich du wollest es mir zu grosser Ehr vnd Glory Gottes vnd deines H. Namens wider zustellen/ vnd mich in disem meinem Anligen gnädig trösten/ Amen.

S. 13.

Gebett vmb ein gewisse Gnad.

G Barmherzigster Vatter / der du gesagt wir sollen dich in der Noth anrufen/ vnd du wollest vns erhören; sihe ich deine arme Creatur komme mit kindlicher Lieb vnd herglichem Vertrauen zu dir/ vnd wil dich vmb die Gnad/ welche du wol weißt/ wosfern sie nicht gegen deinen göttlichen Willen ist / demüthiglich gebetten haben. Gib mir/ O mein herkallerliebster Vatter/ diese Gnad/ das bitt ich dich durch die Verdienst der gloriwürdigisten Jungfrauen Maria vnd aller

Heiligen. Ach höre doch mein Bitt/ das bitt ich
 dich durch die Band vnd Strick/ mit welchen dein
 allerliebster Sohn so vnarmherziglich ist gebunden
 worden: durch die Speichel/ mit welchen er so
 schändlich ist verfelt worden/ vnd durch die Geiß-
 len vnd Dörner/ mit welchen er so Vnmenschlich
 verwundet worden. Ich bitte dich/ O miltreiche-
 ster Vatter/ du wollest mir dise Gnad nicht verfa-
 gen/ seystemal ich dich nicht von meinetwegen bitte;
 sondern von wegen des Leydens vnd Sterbens
 deines Sohns. Sihe an die Händ vnd Füß/ welche
 mit so grossen Nägeln durchschlagen/ vnd so
 grausamblich aufeinander gezogen seynd. Sihe an
 das Haupt/ wie es mit so spitzen Dörnern durch-
 rochen ist. Sihe an den Leib/ wie er mit so vilen
 Wunden zerfekt vnd zerrissen ist. Was wird dich
 können bewegen/ O lieber Gott/ wann dich nicht
 bewegen die Band/ die Speichel/ die Geißel/ die
 Nägel/ die Dörner/ die Wunden/ vnd der bittere
 Tod deines allerliebsten Sohns? was wird dich
 können bewegen/ daß du mein Bitt erhörest/ wann
 dich nicht bewegen die hergliche Seuffzer / das
 blutschwizende Gebett/ die heisse Zähern/ die in-
 menschliche Angst/ die grosse Betrübnuß/ die tieffe
 Wunden/ vnd das rosenfarbe Blut deines aller-
 liebsten Jesu? Durch dise bitt ich dich/ dise stelle
 ich dir vor/ vnd dise opfere ich dir/ demüthiglich
 bittend/ du wollest mich nicht vngetröst von dir
 lassen. Vnd wann dises alles noch nicht genug
 ist/ so bitte vnd beschwöre ich dich durch deinen hei-
 ligen Namen/ durch deine ewige Gottheit/ vnd
 durch alle deine Vollkommenheit vnd Eigenschafftē.

Gib mir diese Gnad/ O ewiger Vatter/ des
 bitt ich durch deinen lieben Sohn/ vnd durch den
 nen H. Geist. Erhöre doch mein Bitt / O Ehr-
 ste Jesu/ das bitt ich dich durch deinen Vatter
 vnd durch den H. Geist: Verlehnhe mir doch mein
 Begehren/ O H. Geist/ das bitt ich dich durch den
 Vatter vnd den Sohn. O ihr drey Göttliche Per-
 sonen/ ich bitt euch alle drey zugleich/ vnd ein jedes
 besonder durch die vnermessene Lieb/ so ihr gegen
 einander traget/ ihr wollet mein Gebett erhören /
 vnd mir das/ so ich an euch begehre/ nicht versagen.
 O mein Gott/ ich gehe nicht von dir hinweg/ weil
 du mich erhört hast. Ja mein Gott du mußt mich
 erhören/ dann ich hab dich so hoch beschworen/ daß
 du mir die begehrte Gnad nicht kanst versagen. Dar-
 rumb wil ich der getröstet Hoffnung leben/ wenn
 Gebett werde von dir angenommen/ vnd mein
 Bitt gnädiglich bewilliget worden seyn/ Amen.

I. 14.

Gebett vmb Abwendung eines Creus.

O Vatter aller Barmherzigkeit vnd Gott aller
 Trosts/ der du durch deinen Propheten gesagt
 hast: Kusse mich an am Tag der Trübseeligkeit
 ich wil dich erretten/ vnd du wirst mich ehren. So
 bitte dich/ du wollest mich mit selbigen miltreichen
 Augen ansehen/ mit welchen du deinen lieben
 Sohn/ als er vor dir am Oelberg auff der Erden
 mit blutigen Schweiß ganz überunnen gelegen
 ange-